

Cyngor Celfyddydau Cymru

Cylch Gorchwyl

# Pwyllgor Cydraddoldeb Strategol

Medi 2020

---

Mae gwaith y Cyngor yn cael ei gychwyn, ei reoli a'i fonitro gan y Cyngor ei hun a chan gyfres o Bwyllgorau y mae'r Cyngor yn dirprwyo rhai phwerau penodol iddynt. Mae'r Pwyllgorau islaw'r Cyngor yn y strwythur Llywodraethu. Ar wahân i'r meysydd hynny lle mae'r Cyngor wedi dirprwyo tasgau diffiniedig a/neu awdurdod diffiniedig i weithredu, rôl cynghori sydd gan y Pwyllgorau. Maent yn adrodd i'r Cyngor ar berfformiad y gweithgareddau hynny sy'n dod o fewn cylch gwaith pob Pwyllgor. Bydd y Pwyllgorau hefyd yn dwyn i sylw'r Cyngor unrhyw faterion sy'n peri pryder, neu feysydd ar gyfer gwella.

Mae saith Pwyllgor gyda phwerau dirprwyedig:

- y Pwyllgor Archwilio a Sicrwydd Risg
- y Pwyllgor Adnoddau Dynol a Chydnabyddiaeth
- y Pwyllgor Cyfalaf
- y Pwyllgor Cydraddoldeb Strategol
- Pwyllgor y Gymraeg
- Pwyllgor Cenedlaethau'r Dyfodol
- y Pwyllgor Iechyd a Diogelwch

Mae un Grŵp Ymgynghorol hefyd sy'n adrodd i'r Cyngor:

- Pwyllgor Cymru yn Fenis

Nodir cylch gwaith penodol y Pwyllgor isod.

Cafodd cylch gorchwyl y Grŵp Monitro Cydraddoldeb ei sefydlu yn ei gyfarfod cyntaf ar 15 Gorffennaf 2008 a'i ddiwygio ym mis Ebrill 2012 a mis Mawrth 2015. Yn sgil cymeradwyo cylch gorchwyl y Grŵp Monitro Cydraddoldeb gan y Cyngor ym Mai 2020, mae'r fersiwn yma'n adlewyrchu statws newydd y Grŵp fel Pwyllgor. Cymeradwywyd hyn gan y Cyngor ym Medi 2020.

## Rôl y Pwyllgor

1. Adolygu, monitro a chynyddu datblygiad polisiau a gweithdrefnau sy'n galluogi'r Cyngor i ddilyn agenda flaengar i hyrwyddo cydraddoldeb ar draws yr holl 'nodweddion gwarchoddedig' y mae Deddf Cydraddoldeb 2010 yn eu rhestru (oedran, anabledd, ailbennu rhywedd, priodas/partneriaeth sifil, beichiogrwydd a mamolaeth, hil, crefydd neu gred, rhyw a chyfeiriadedd rhywiol).
2. Cynghori'r Cyngor a'i swyddogion am sicrhau bod ei weithgareddau yn y maes hwn yn gyson ag uchelgeisiau Deddf Llesiant Cenedlaethau'r Dyfodol Llywodraeth Cymru.
3. Cynghori'r Cyngor a'i swyddogion am wreiddio cydraddoldeb fel agwedd arferol ar fuddsoddiad, prosesau a rhaglenni gwaith Cyngor Celfyddydau Cymru.
4. Monitro cydymffurfiaeth y Cyngor â'r holl ofynion statudol a rheoliadol perthnasol, gan gynnwys unrhyw ddyletswyddau cyffredinol a phenodol cysylltiedig, gan gynnwys monitro gweithrediad y Cynllun Gweithredu Cydraddoldeb Strategol a llunio Adroddiadau Cydraddoldeb Blynyddol.
5. Cynghori ar y gwaith o ddatblygu, gweithredu a monitro prosiectau datblygiad a pholisi penodol.
6. Bydd y Pwyllgor yn sicrhau y cyflawnir y swyddogaethau hyn trwy wneud y pethau canlynol:
  - a. Goruchwylio'n weithredol effeithiolrwydd gweithgareddau Cyngor Celfyddydau Cymru wrth ddangos ymrwymiad i gydraddoldeb fel un o'r egwyddorion llywodraethu sylfaenol
  - b. Monitro gweithrediad gofynion y ddeddfwriaeth berthnasol (gan gynnwys y Cynllun Gweithredu Cydraddoldeb Strategol a'r gwaith o adolygu yr Asesiad o Effaith Gyfunol))
  - c. Darparu cefnogaeth benodol i Asiant er Newid y Cyngor
  - ch. Cynghori ar fentrau sy'n cynorthwyo â hyfforddiant a datblygiad proffesiynol staff Cyngor Celfyddydau Cymru
  - d. Darparu cyngor a chyfarwyddyd ar faterion yn ymwneud â chydraddoldeb er budd artistiaid a sefydliadau celfyddydol
  - dd. Gwneud argymhellion i'r Tîm Uwch Arweinwyr a'r Cyngor ar unrhyw un / rai o'r uchod

<b>Cadeirydd</b>	Andrew Miller, Aelod o'r Cyngor
<b>Aelodaeth</b>	Bydd yr aelodau'n cynnwys cynrychiolydd Aelodau'r Cyngor a staff yr holl dimau yn y sefydliad, gan gynnwys aelod o'r Tîm Uwch Arweinwyr, a hyd at 3 aelod annibynnol.
<b>Cworwm</b>	Unrhyw 3 aelod o'r pwyllgor. Caiff unrhyw aelod o'r Cyngor weithredu fel y Cadeirydd yn absenoldeb y Cadeirydd penodedig.
<b>Atebolrwydd</b>	<p>Gan y Cyngor mae'r cyfrifoldeb terfynol am bolisiâu a gweithdrefnau yn y maes hwn o hyd. Nid oes gan y pwyllgor unrhyw bwerau dirprwyedig, ond disgwylir iddo gysylltu â'r Cyngor a'i Dîm Uwch Arweinwyr.</p> <p>Mae ymddygiad aelodau'r pwyllgor – yn unigol ac ar y cyd – wedi'i rwymo gan god moesegol y Cyngor fel y'i nodir yn y Cod Ymarfer Gorau.</p>
<b>Cyfarfodydd</b>	Bydd y pwyllgor yn ymgynnull dair gwaith y flwyddyn a threfnir cyfarfodydd ychwanegol yn ôl yr angen. Caiff y cyfarfodydd eu hamserlennu i ganiatáu adrodd arnynt yn amserol i gyfarfod nesaf y Cyngor.
<b>Papurau</b>	I gael eu dosbarthu i'r pwyllgor o leiaf 5 diwrnod ymlaen llaw, drwy e-bost a'u storio'n electronig yn system rheoli data a chofnodion electronig y Cyngor.
<b>Adrodd</b>	<p>Caiff cofnodion y pwyllgor eu cyflwyno i'r uwch reolwyr a'r Cyngor. Bydd y pwyllgor hefyd yn cynhyrchu adroddiad blynyddol i gael ei gymeradwyo gan y Cyngor sy'n nodi:</p> <p>Gwaith y pwyllgor yn ystod y flwyddyn</p> <p>Perfformiad Cyngor Celfyddydau Cymru yn erbyn yr amcanion a'r targedau a nodir yng Nghynllun Gweithredu'r flwyddyn honno</p>
<b>Cofnodion Cyfarfodydd a Chofnodion</b>	
	Caiff pob dogfen gysylltiedig â'r Pwyllgor ei ffeilio'n electronig yn system data electronig a rheoli cofnodion y Cyngor.
<b>Diweddarwyd</b>	Caiff y ddogfen hon ei hadolygu i wirio ei chywirdeb bob blwyddyn a chafodd y fersiwn hon ei chymeradwyo gan y Cyngor ym mis Mai 2020.